



# Partii Inuit Inatsisartuni

15. OKTOBERR

UKA 2013 / 37-1  
RANDI BROBERG

**2014-mi atuutilersussamik Kangaatsiamiit Qaanaaq angullugu upernaakkut appanniarsinnaaneq 01. september-imiit - 29. februar-imut atuuttup, ukiukkut sikuusarnera pillugu tamakkiisumik malitsinneqarsinnaanngitsup naleqqussarnissaa pillugu upernaakkut appanik piniarsinnaanerup maajip qeqqata tungaanut sivitsorneqarnissaanik, Naalakkersuisut sulissuteqaqqullugit Inatsisartut aalajangiiffigisassaattut siunnersuut, Pillugu ATASSUT-ip Inatsisartuni ilaasortaatait, Siverth K. Heilmann aamma Gerhardt Petersen –ip intsisartut aaliagiiffigisassaattut siunnersuutaannut Partii Inuit ima oqaaseqassaagut.**

Inuit qangarsuaanilli inuuniarnerannut piniagassat suungaluartulluunniit nunami maani tunngaviujuarsiamapput. Aammalu piniagassanik suungaluartunilluunniit piniartut piniakkamik pissusaannik ilisimaqqissaarlutik attataqartuarterat maannamut pingartinneqarluinnartuusoq qularutiginalugu ilisimasarput pillugu piniakkat ilaannik timmissanik piffissami qaqugukkut piniarneqartarnissaannik atassumiik oqaluserisassanngortitsineq pillugu qujavugut.

Partii Inuit timmissat piniangaasarnerisa killilersungaasarneart pillugu nunamut isorartoorujussuarmut ataatsimoortillugit aaqqissuussisimaneq pissusissamisuunngitsutut isingaarpur. Tamaattumik piniakkat suungaluartulluunniit pillugit sukumiisumik inuiaat kalaaliusugut ullumikkut piniartortatisinnut atungassaqartitsinerput annertuumik nalilersoqqittariaqarippur Partii Inuit pingaartillugulu isumaqarfingaarpur, matumani timmiaappata piniangassaappataluunniit allat.

Partii Inuit ilisimallugulu isumaqarpugut piniagassat suulluunniit uumasogatigiit aammalu pinngortitap allanngorarneranik malussarissuusut tamatumunngalu ataqatigiisitsisuulluinnartartuusoq tassaasoq piniartoq uumasogatigiit akornanni.

Taamaattumik piniagassat timmiaappata imarmiuuppata nunamiluunniit ippata tamarmik ataqatigiilluinnartuuppur, tamatumunngalu piniartoq pinngortitalu



# Partii Inuit Inatsisartuni

uumasut nerisareqatigiinnerannut qitiulluinnartuupput. Tamannalu qangarsuaaniilli inuusaasitsinnik, pinngortitamik atueriaasitsinnik aammalu uumasoqatigiit akornanni atueriaasitsinnik qanoq paasinnissimaneq siulitta nunami maani peqqarniissinnaasumi inuunnarsinnaasimanerput qularnaarsimavaat. Ilisimassuseq Paasinnittaaserlu tumatumunnga tunngasoq inuiaat kinaassutsitta sarlangaat.

Partii Inuit oqaatigissavarput Atassutip inatsisartunut ilaasortaataa appat pillugit nunatta avanna tungaani piniarneqartarnerisa killilersungaanerisa ulluisa allanngortinneqarnissaanik kissaateqarnerat tunngaviatigut tamakkiissumik tapersorsoratsigut.

Matumani pingaarutilittut oqaatigisariaqarpoq ukiuni kingullerni nunatta avannaani aallaakkasumik sikuusarnerata allanngornera ilutingalugu timmissat suungaluartulluunniit aamma appat ingerlaartarnerannut sunniutiteqarmat.

Aammali Partii inuit pingaartillugu oqaatissavarput ukiuni atukkatsinni uumasut sorliit amerliaretornersut ikiliartornersulluunniit pillugit inuit uumasut pinngortitallu pissusaasasa qanoq ataqaatigiinnerannik ilisimasaqanngitsut qanoq paasinnittarnerat naalagaralugu ingerlatsilersimanerup issuttumi uumasaqatigiit ataqaatigiinneranerannut innarliartuaartoqartoq.

Tamatumunngali taarsiullugu Partii Inuit pingaartillugu isumaqarpugut ullutsinni inuusaatsip allanngoriartornera pissutingalugu sukumiisumik inuusaaserput pillugu nalileruisariaqartugut siunissami paatsivilimmik aaqqissuussaaneq qularnaarumallugu. Matumani piniartukkormiut aammalumi kalaallip kialuunniit sulisartunngorsimangaluartulluunniit pinngortitami piniangassanillu atuisinnaatiaanera qaqugumulluunniik katanneqarunnanngittoq isumaqaratta ataatsimoorussamik kikkut qaqugukkut qanorlu atuisinnaanersut ersarissumik ataatsimoorussaqaarluta inissiiniartariaqartugut, matumani piniagassat suungaluartulluunniit eqqarsaatingalugit.

Tunngaviusumik Partii Inuit isumaqarpugut isumaqartuassallutalu Nunami maani PINIARTOQ piniakkaminik qaffasinnerpaamik ilisimasaqartuusoq, taamaattumillu oqaluttuunneqartariaqanngittoq suut qaqugu piniassanera imaluunniit piniassannginnerai.



# Partii Inuit Inatsisartuni

Partii Inuit nuannaarutingaarput oqaluuserisassaq una piniagassanik atusarnerput pillugu inatsisartuni oqallinnissatsinnut ammaassisuummat, aammali oqaatigerusupparput nunatta avannaarsuaniittut inugguit tikillugit kulturitoqarsuatsinnik piginnittuullutillu siulitta nunamut maanga isaaffissuanni najumminnittuusut inatsisiliortutut paasisassarsiorfingalugit tusarnaarnerusariaqaraluarigut qanoq isumaqarnersut tappavanimi malussarissuseq annerpaat immat.

Taama oqaaseqarluta oqaluuserisassaq sukumiisumik aalisarnermut piniarnermullu ataatsimiisitaliamut aappassaaneerneqannginnermini ingerlateqqinneqassasoq innersuutingaarput.